

ATZIONE “GIOVANI VISPI”

BANDU PRO SU CUNFERIMENTU DE VOUCHER PRO CHIE FAGHET ISPORT

* * * *

DATOS DE IMPORTU MANNU

- Totale màssimu de su voucher 250,00 èuros
- Si podet fàghere sa rechesta intro a su 13 de su mese de freàrgiu de su 2023
- Sa dimanda si podet imbiare solu cun sa Pec o cun sa racumandada a/r.
- Si podet cramare solu pro àere àteras informatziones.

* * * *

1. Descritzione e obiettivu de s'interventu

Cun sa Deliberatzione de sa Giunta Regionale de sa Regione Autònoma de sa Sardigna n.23/11 de su 21 de su mese de Trìulas de su 2022 e cun s'acordu de sa RAS e su Dipartimentu de las Políticas pro so Giòvanos de sa Presidèntzia de su Consigliu de sos Ministros, e cun s'acordu de sa RAS e su CONI C.R. Sardigna de su 15 de su mese de nadale de su 2022, su C.R. Sardigna de su CONI devet atuare s'atzione “Giovani VISPI (Voucher Iscritzione Isport pro s'Inclusione)” pro dare sos voucher pro s'iscrizione e sa freqüèntzia a sos cursos isportivos pro sos giòvanos chi istant in Sardigna segundu sos tèrmines e sos lìmites chi bi sunt in sos artículos de custu Bandu.

2. Resursas disponibiles

Sas resursas finantziàrias pro dare sos voucher pro s'Atzione “Giovani VISPI” dae sa Regione Autònoma de sa Sardigna e dae su Fundu Natzionale de las Políticas pro sos Giòvanos de s'Istadu Italianu sunt de 762.477,12 èuros.

3. Retzidores e rechisidos

a) Sunt destinatàrios de sos interventos sos giòvanos chi, cando faghent sa rechesta ant:

- una edade chi andat dae sos 14 a sos 19 annos;
- sa residèntzia in unu Comune de sa Sardigna cun sa populazione prus bassa de 30.000 abitantes;
- su rèdditu ISEE de sa famìlia prus bassu de 12.000 èuro;

- b) Si in una famìlia b'at prus giòvanos chi ant sos rechisidos de su puntu a), podent fàghere sa dimanda màssimu duos pro ogni famìlia. Si b'at àteros giòvanos chi ant sos rechisidos podent èssere postos in sa graduatòria de sos idòneos non benefitziàrios, chi s'at a abbaidare si non s'ant a dare totus sas resursas disponibiles cun sa graduatòria de sos idòneos benefitziàrios.

4. Entidade e destinazione de su voucher

- a) Su voucher est pro dare sa possibilità a su benefitziàriu de faghère isport diletantistiku pro mèdiu de sa cobertura de sos costos de iscrizione e de sa freqüèntzia finas a arribare a su totale de 250,00 euros pro ogni benefitziàriu.
- b) S'atividade isportiva diletantistica devet èssere fata solu in sas Sotziedades Isportivas o in sos Assòtzios Isportivos diletantísticos ligadas a manera regulare a sas Federatziones Isportivas Natzionales (FSN), a sas Disciplinas Isportivas Assotziadas (DSA) o a sos Entes de Promotzione Isportiva (EPS) reconnotos dae su Comitadu Olimpicu Natzionale Italianu (CONI) e dae su Comitadu Italianu Paralìmpicu (CIP).

5. Comente si faghet sa dimanda

Sa dimanda pro partetzipare, fata cunforma a su modellu allegadu a custu Bandu, devet èssere compilada a manera obligatòria in totus sas partes, e imbiada segundu sas modalidades chi sèberat su babbu o sa mama de su giòvanu o chi sèberat isse si at gai 18 annos, annanghende a manera curreta s'ISEE válidu e sos documentos de identidade: totu custu devet arribare a su CONI C.R. Sardigna intro e non ultres sas 23:59 de su 13 de su mese de freàrgiu de su 2023 cun custas modalidades:

- Cun una racumandada a/r serrada e cun iscritu in fora s'indicazione “Bando Giovani VISPI” a sa sede de su CONI - Comitadu Regionale Sardigna cun s'indiritzu: CONI – C.R. Sardegna, Viale Bonaria n. 66, 09125 – Cagliari;

O puru

- Imbiende a manera telemàtica sa dimanda in PDF a s'indiritzu Pec: sardegna@cert.coni.it

Sos interessados devent imbiare sa dimanda intro a sos tempos. Ant a èssere leadas a cunsideru solu sas dimandas arribadas a su CONI intro a s'iscadèntzia; ultres a custa non si podent fàghere àteras dimandas, fintzas si sunt istadas imbiadas intro s'iscadèntzia, cheret nàrrere fintzas si sunt sostitutivas de cussas imbiadas in su tempus giustu.

6. Comente sunt fatas sas graduatòrias

Arribados sos tèrmimes pro imbiare sas dimandas postas in s'articulu in subra, su CONI C.R. Sardigna at a fàghere sas graduatòrias de sos idòneos benefitziàrios e de sos idòneos non benefitziàrios

Pro arribare a s'obietivu de fàghere custas graduatòrias, e pro partzire sas resursas ligadas a s'art.2 intra a sos chi ant fatu sa dimanda de partetzipatzione a custu Bandu a manera regulare, s'at a protzedere, respetende sas dispositziones de sa Deliberatzione de sa G.R. n.23/11 de su 21 de su mese de trìulas de su 2022, a determinare sas summas de dare a ognunu sighende custos critérios:

- a. Dae su rèdditu ISEE prus bassu a cussu prus artu;
- b. In su casu de duos rèdditos ISEE pretzisos, sa prioridade at a èssere dada a sa famìlia cun prus pessones, ma chi ant sos rechisidos postos in s'art.3;
- c. In su casu chi su nùmeru de sos familiares siat pretzisu, cun sos matessi rechisidos postos in su puntu b), sa prioridade est de sos giòvanos prus minores (edade contada in dies). Si b'at una



rechesta de contributu pro prus personnes in sa matessi famìlia, s'at a cunsiderare sa summa de sas edades espressadas in dies pro sos giòvanos candidados a su contributu e si ponent in sa graduatòria sos candidados dae su prus minore a su prus mannu.

7. Publicatzone de sas graduatòrias

Una borta chi sunt istadas fatas sas graduatòrias segundu sos critèrios de s'art.6, custas ant a èssere publicadas in su situ internet de su CONI C.R. Sardigna.

Est cussizadu, duncas, a sos chi ant fatu sa dimanda, de abbaidare su situ de su Comitadu Regionale de su CONI <https://sardegna.coni.it> pro ite no at a èssere imbiada peruna comunicatzone sìngula a sos partetzipantes.

Sas opositziones podent èssere fatas sighende sas modalidades chi bi sunt in s'art.5 intro a 10 dies dae sa publicatzone: dae custa die, sas graduatòrias podent èssere cunsideradas definitivas.

8. Verificas e controllos

Su CONI C.R. Sardigna at a pòdere verificare sas dimandas presentadas dae sos interessados, pro bìdere si cussu chi est istadu iscritu est beru. Si in sos controllos e in sas verificas fatas nd'essit carchi cosa chi no est crara o puru non bera in base a sas decraratziones a sos sensos de su D.P.R. nùmeru 445/2000 e ss.mm.ii. o puru si non bi sunt totus sos documentos netzessàrios, su chi at fatu sa rechesta, lende-si sa responsabilidate de cussu chi at decraradu, at a pèrdere sa possibilidate de su benefitziu e at a èssere escluidu dae sa protzedura e dae sa graduatòria finas si est gai fata.

9. Erogatzione de sos voucher

Una borta chi sunt finidas sas operatziones ligadas a s'art.7 e, duncas, una borta chi sunt istados individuados sos benefitziàrios idòneos, sas Sotziedades isportivas e sos Assòtzios isportivos diletantìsticos seberados dae sos idòneos benefitziàrios pro fàghere s'isport seberadu, sos idòneos devent imbiare intro a 15 dies a su CONI C.R. Sardigna cun sas matessi maneras de s'art.5 un'iscritura privada de impignu chi serbit a garantire chi at a fàghere cussa atividade isportiva reconnoschende un'iscontu finas a 250 euros pro s'iscrizione e sa freqüèntzia.

Custa iscritura privada, chi si faghet in base a su modellu allegadu a custu Bandu, devet èssere sutascrita siat dae su legale rapresentante de su Sòtziu isportivu o A.S.D., siat dae su babbu o sa mama o puru, si sa persone chi at fatu sa dimanda at 18 annos.

Su sòtziu isportivu/ASD s'impignat a praticare a su giòvanu benefitziàriu a su màssimu sas matessi tarifas chi sunt aplicadas a sos àteros giòvanos isportivos chi sunt iscritos in sa matessi sotziedade, e in s'iscritura devent pònnere su valore de s'iscontu fatu e sos òneres de iscritzione e de freqüèntzia de iscontare. In su matessi tempus, sa persone chi at sa potestate devet atzetare su contributu in forma de iscontu in s'iscrizione e in sas cuotas de freqüèntzia.

Posca de àere retzidu s'iscritura a manera privada, su CONI C.R. Sardigna at a fàghere ischire su valore de su reconnòschidu a manera direta a sa Sotziedade Isportiva/ASD seberada, solu cun bonificu bancàriu a favore de su c/c intestadu a sa matessi Sotziedade/ASD.

10. Informatziones



Pro ischire àteras informatziones de su Bandu si podet intrare in su situ internet sardegna@coni.it

11. Responsàbile de su protzedimentu

Su Responsàbile de su protzedimentu est su Presidente de su CONI C.R. Sardigna.

12. Informativa de su tratamentu de sos datos personales

Sa RAS, cun sede legale in Casteddu, viale Trento 69, Còdighe Fiscale e P.IVA 80002870923, rapresentada a manera legale dae su Presidente de sa Giunta Regionale pro tempore, cun sa funzione de titulare de su tratamentu pro su tràmite de su Direttore Generale pro tempore, delegadu de su Titulare pro su tratamentu de sos datos relativos a sos protzedimenti incarrigados a sa Direttione Generale de sa Pùblica Istruzione, a sos sensos de su Decretu Presidentziale n.48 de su 23 de su mese de maju de su 2018, informant a sos sensos de s'art.13 e 14 Regulamentu UE n.2016/679 (e posca, “GDPR”) chi sos datos ant a èssere tratados cun sas modalidades e pro sos fines narados posca.

Ogetu de su Tratamentu

Su Titulare tratat sos datos personales e/o identificativos (nùmene, sambenadu, indiritzu, telefono, e-mail, giassu de sa pec, coordinadas bancàrias e de pagamentu, declaratzione ISEE, còdighe fiscale, documentos de identidade e totus sos àteros datos de sos benefitziàrios candidatos idòneos a su contributu e de sos sugetos chi ant sa potestate e cussos de sos legales representantes de sas sotziedades isportivas o assòtzios isportivos interessados a s'interventu), pro sas assignatziones de sos voucher e in su cuntestu de sa gestione de custu protzedimentu de su CONI e de sa REGIONE, pro cantu pertocat “datos personales” o àteros “datos”.

Finalidade e base giurìdica de su tratamentu

Sos datos personales sunt tratados a sos sensos de s'art.6 litera e) de su GDPR pro ite su tratamentu serbit pro fàghere unu còmpitu de interesse pùblicu o ligadu a sas funtziones de sos poderios pùblicos e chi at fintzas su titulare de su tratamentu e duncas no est netzessàriu àere su cunsensu de sos interessados. Sos riferimenti normativos de sa protzedura sunt postos in sa setziona de s'avisu, chi est gestidu dae su CONI e chi at fintzas custas informatziones.

Su tratamentu at a èssere fatu sighende custas finalidades: gestione de sas protzeduras relativas a s'avisu pùblicu, predispositziona e publicatzone de sas graduatòrias, gestione de su contributu e de s'assignatzione sua, de su controllu, de sas atividades de àudit, rendicontatzione.

Modalidade de su tratamentu

Su tratamentu de sos datos personales est fatu in base a sas operatziones indicadas in s'art.4 n.2 de su GDPR e a manera pretzisa: sa regorta, sa registratzione, s'organizatzione, s'istrutura, sa cunservatzione, s'adatamento o puru sa modifacatzione, s'estratzione, sa consultatzione, s'impitu, sa comunicatzione tràmite sa trasmissione, sa difusione o cale si siat àtera forma de posta a dispositzione, sa cumparatzione o s'intre-connessione, sos limites, sa cantzelladura o sa distrutzione.

Sos datos personales siat de pabiru, siat eletrònicu e/o automatizadu sunt sutapostos a su tratamentu e ant a èssere postos in s'archìviu de sa Direttione Generale de s'Assessoradu de sa Pùblica Istruzione, Benes Culturales, Informatziona, Ispetàculu e Isport cun riferimentu a s'obietivu de su protzedimentu de assignatzione de sos voucher. Su Titulare at a tratarde sos datos personales pro unu perìodu de 10 annos chi comintzant dae sa data de congruida de s'interventu e in una manera chi permitit de identificare sas personnes interessadas solu pro su perìodu netzessàriu a arribare a sas finalidades in ue sos datos sunt rilevados o puru tratados.

Pro su chi atenet, imbetzes, a su tratamentu de sos datos pro los archiviare in s'interesse pùblicu, de chirca iscientifica o istòrica o cun obiettivos istatisticos, a sos datos est aplicadu s'art.89 de su GDPR, e, in ue est possibile sena creare problemas a custas finalidades, ant a èssere introduidas medidas tècnicas e organizativas pro garantire su printzìpiu de sa minimizatzione de sos datos.

Atzessu a sos datos

Sos datos si podent bìdere pro las finalidades de assignatzione de sos voucher e pro la rendicontazzone a los dipendentes e pro los collaboradores de su Titulare o de altri Responsabiles esternos de su tratamentu, in sa funzione issoro de autorizados a su tratamentu e/o de amministradores de su sistema.

Comunicatzone de sos datos

Su Titulare podet comunicare los datos pro las finalidades de assignatzione de sos voucher e la rendicontazzone a altre partitziones amministrativas de la Regione Autònoma de la Sardigna, chi sunt s'Autoridate de Gestione de los fondos, los Ufitzios prepostos a los controllos de I livellu, los Ufitzios prepostos a atividades de Audit, los Ufitzios prepostos a las atividades de gestione contabile e de bilàntziu etc. e duncas a cussos sujetos, fintzas esternos a la Regione, in ue la comunicatzone est obligatòria pro lege o b'at un'autorizazzone dislindada dae su Titulare pro faghère su tratamentu pro custas finalidades.

Trasferimentu de sos datos

Sos datos personales sunt mantesos in su server de la Regione Autònoma de la Sardigna e in s'archiviu de pabiru, in cussos de l'Unione Europea o in los server de su Coni.

Natura de su cunferimentu de sos datos e cunsighèntzias si non si rispondet.

Su cunferimentu de los datos personales est obligatòriu pro ite serbit pro las atividades connessas a su protzedimentu e pro s'eventuale oposizione o rechesta de eliminazzone de s'interessadu non dat sa possibilidate de partetzipare o sighire cun sa protzedura.

Deretos de s'interessadu

Sos interessados ant los deretos postos in l'art.15 de la GDPR e a manera pretzisa:

- de otènnere la confirmazzone de l'esistència de los datos personales issoro, fintzas si non sunt galu registrados, e la comunicatzone issoro est in forma atzessibile;
- de otènnere s'indicazzone:
 - de l'origine de los datos personales;
 - de las finalidades e las modalidades de su tratamentu;
 - de la lògica aplicada in su casu de su tratamentu fatu cun l'aggiudu de los instrumentos eletrònics;
 - de los datos personales de su titulare, de los responsabiles e de su representante designadu a los sensos de l'art.3, comma 1, GDPR;
 - de los sujetos o de las categorias de sujetos in ue los datos personales podent èssere comunicados o chi los podent ischire si sunt representantes designados in su territoriu de l'Istado, de los responsabiles o incarrigados;
- de otènnere:
 - l'aggiornamentu, la retifica e integratzione de los datos;
 - s'eliminazzone e la trasformatzzone de los datos tratados in violazzone de la lege, finas cussos in ue est netzessària la remunida in relazzone a los motivos de la regorta de los datos;
 - l'atestazzione chi las operatziones de las lìteras a) e b) sunt istadas fatas ischire, finas su contenutu issoro, de cussos chi ischint los datos comunicados, francu in su casu in ue l'acumprimentu est impossibile o cumportat un'usu isproporzionadu de los medios a su deretu tuteladu;
- de si opònnere, a manera completa o in parte pro motivos legítimos a su tratamentu de los datos personales issoro, fintzas si sunt serbidos a la regorta;

In ue si podent aplicare, ant fintas los deretos de los artt.16-21 GDPR (Deretu de retifica, deretu a l'obliu, deretu de limitazzone de tratamentu, deretu a la portabilitade de los datos, deretu de oposizione), duncas su deretu de reclamu a l'Autoridate Garante.



Modalidade de esertzitziu de sos deretos

In cale si siat momentu est possibile esertzitare sos deretos pròpios imbiende:

- una racumandada a/r a sa Regione Autònoma de sa Sardigna, Assessoradu de sa pùblica istrutzione, benes culturales, informatzione, ispetàculu e isport, Diretzionè Generale de sa Pùblica Istruzione, Servìzzi Politicas iscolàsticas, Viale Trieste, 186, Casteddu;
- una PEC a su indiritzu: pi.dgistruzione@pec.regione.sardegna.it

Riferimenti e cuntatos de su titulare, responsabile e incarrigados

A sos sensos de su Regulamentu (UE) 2016/679 relativu a sa protetzione de sas pessones fisicas cun atenzione a su tratamentu de sos datos personales e duncas a sa tzirculazione lìbera de custos datos, su Titulare de su tratamentu est sa Regione Autònoma de sa Sardigna, cun sede legale in Casteddu, Viale Trento 69, Còdighe Fiscale e P.IVA 80002870923, a manera legale rapresentada dae su Presidente pro tempore de sa Giunta Regionale; su delegadu de su Titulare pro su tratamentu de sos datos chi atenent a sos protzedimenti in càrrigu a sa Diretzionè Generale de sa Pùblica Istruzione est su Diretore Generale pro tempore, relativu a su Decretu Presidentziale n.48 de su 23 de su mese de maju de su 2018, e-mail: pi.dgistruzione@regione.sardegna.it, pec: pi.dgistruzione@pec.regione.sardegna.it, tel: 070/6064941.

Su Responsabile pro sa Protetzione de sos datos de sa Regione Autònoma de sa Sardigna, nominadu cun Decretu Presidentziale n.47 de su 23 de su mese de maju de su 2018, podet èssere cuntatadu a custos indiritzos: rpd@regione.sardegna.it, pec: rpd@pec.regione.sardegna.it, tel: 0706065735.



Tradutziones a cura de s'Isportellu de Limba Sarda de Nughedu

Progetu “Inoghé Puru” – annualidade 2022

Finantziadu dae sa RAS cun sa L.482/99 e cun sa L.R. 22/2018